

# Al mia korespondant(in)o!

Nun vi eble miras, kiam mi petas vin fari al mi tre gravan servon, kiu koncarnas ne nur min kaj la svedajn esperantistojn sed fakte nian tutmondan movadon.

Iom post iom la diversaj radiostacioj en la mondo rekomencos siajn disaŭdigojn en Esperanto. Sed bedaŭrinde la sveda radio ankoraŭ ne decidis fari regulajn programojn en la internacia lingvo. Tamen mi scias, ke oni povas baldaŭ esperi pri regulaj dissendoj, se la radio-aŭtoritatoj nur scias, ke ili povas kalkuli je granda aro da aŭskultantoj en diversaj landoj.

Via kunhelpo estas nun tre valora! Mi petas vin skribi en *via propra (nacia) lingvo* al la sveda radio laŭ adreso, kiun vi trovas ĉi sube. En la letero vi petu disaŭdigojn en la internacia lingvo Esperanto pere de la fortaj svedaj radiostacioj. Vi povas mem decidi, kion vi skribu. Sed estas preferinde peti informojn pri la sociaj cirkonstancoj en Svedujo, pri la svedaj kutimoj kaj moroj, pri la interesaj landopartoj en la plej norda Svedujo aŭ en alia regiono (ekz. Värmland aŭ Dalarna), pri la sveda literaturo, arto kaj muziko. Vi petu svedan muzikon kun samtempaj klarigoj en Esperanto. Kompreneble vi povas peti programojn pri ĉio kio interesas vin.

Grave! Nenion skribu pri tio, ke vi estas petata de mi skribi al la sveda radio. Estas nome tiel, ke la aŭtoritatoj ne tre volonte aŭskultas la svedajn esperantistojn. Sed kiam *vi* skribas estas tute alia afero, ĉar tiam ili komprenas, ke ne nur la svedaj esperantistoj deziras la programojn. La sveda radio devas scii, ke homoj en la ekstera mondo aŭskultas, kiam ĝi sendas en Esperanto.

Anticipe koran dankon pro via treege valora helpo.

Kun saluto:

*Jen la adreso:*

SVERIGES RADIO  
STOCKHOLM

*Atentu: Kompreneble vi ne sendu tiun ĉi leteron al la radiostacio.*

KUPONG.		INBETALNINGSKORT	
(Avsedd för betalningsmottagaren.)		För frimärke motsvarande inbetalningsavgiften, 20 öre.	
A post- giro- konto nr*)		Utskrives med bläck eller skrivmaskin.	
Inbetalt _____ kr _____ öre. Avsändarens namn och adress:		Belopp _____ kr _____ öre.	
Till _____		(Kronalet skrives med bokstäver, omedelbart följt av "kronor".)	
Inbetalningsdag: _____		att gottskrivas postgirokonto nr*)	
Meddelande till betalningsmottagaren.		*) Se baksidan. Tydliga siffror, en i varje ruta*.)	
Redovisningsnr _____		Redovisande poststämpel	
(Postfunktionärs namn el. sign.)			
Bl. 703 a. (Mars 48) P.v. tr. Stb. 1948			

ESPERANTOFRAMJANDET

Tegelbacken, Stockholm.

=====

Stockholm en aŭgusto 1948.

Postgiro nr 90 08 08  
- av Näringslivets Gransknings-  
nämnd tilldelat kontrollpostgiro.

Kara Samidean(in)o!

Post sukcesoplena Universala Kongreso de Esperanto en Malmö vi certe havis kaj ankoraŭ havas okazon rakonti al viaj geamikoj kaj konatoj pri la travivaĵoj dum la kongresa semajno. Ni jam nun dankas pro via bona kaj tre valora kunlaboro, ĉar kiam vi tute prave kaj kun ĝojo rakontas pri la uzebleco de nia mirinda lingvo Esperanto, vi samtempe tre efike propagandas por nia afero, menciante viajn proprajn spertojn.

Fakte la intereso por Esperanto estas nun konsiderinde granda ĉe la sveda publiko. La rezulto sendube respeguliĝos en la kursoj aranĝotaj ĉie en nia lando. Sed en tiuj ĉi tagoj nia centra organizo - Sveda Esperanto-Federacio - devas komenci gravan kaj tre ampleksan propagandon, por ke ni eluzu la bonvolan intereson kaj studemon, ĝuste nun montritan.

Sed, kiel vi jam scias, la amplekso de nia informservo kaj propagando ĉiam dependas de la mono disponebla por tiu celo. Tial ni direktas insistan peton al vi, kiu ĝuis la favoron ĉeesti la 33-an U.K., ke vi helpu al ni realigi niajn planojn. Vi povas efike kontribui al nia aŭtuna agado, se vi afable donacos al ESPERANTOFRAMJANDET sumeton laŭ via bontrovo, ekzemple 3 aŭ 5 kronojn.

Ni jam nun kore dankas vin kaj certigas al vi, ke via rapida kaj tre urĝe bezonata helpo donos al ni eblecojn jam en tiu-ĉi aŭtuno plifortigi nian movadon en Svedujo.

Sincere via  
ESPERANTOFRAMJANDET

Ni aldonas

- 1) enpagilon por nia postgiro nro 90 08 08 (sur la kupono bohvolu skribi vian kongresan numeron);
- 2) gravan cirkuleron por viaj eksterlandaj geamikoj/korespondantoj.